

ANALITIKA SJEDNICA

Održano ukupno 11. redovnih i 5 vanrednih sjednica Vlade Tuzlanskog kantona

ZAKONI

Utvrđeno je ukupno 15 nacrti i prijedloga zakona

UREDBE I PRAVILNICI

Donesene su 3 uredbe i 1 pravilnik

ODLUKE

Donesena 91 odluka različitog karaktera

INFORMACIJE I IZVJEŠTAJI

Usvojeno je i prihvaćeno 39 informacija i izvještaja.

ZAKLJUČCI

Doneseno 16 zaključaka (u većini slučajeva oni podrazumijevaju i konkretna zaduženja.)

RJEŠENJA I ODLUKE O FORMIRANJU RADNIH GRUPA

Doneseno je 9 rješenja o formiranju radnih grupa i komisija

OSTALA RJEŠENJA

Doneseno je 95 ostalih rješenja

ELABORAT, PLAN, SMJERNICE

Doneseno je 13 elaborata, planova i smjernica

PROGRAMI

Doneseno 8 programa

MINISTARSTVO ZA BORAČKA PITANJA

1. Odluka o utvrđivanju učešća Ministarstva za boračka pitanja u nabavci ortotsko-protetskih pomagala, drugih pomagala, endoproteza, stomatološko-protetskih i ortodonskih pomagala i sanitarnih sprava za ratne invalide Tuzlanskog kantona.
Ovom odlukom utvrđeno je učešće Ministarstva u nabavci navedenih pomagala u iznosu 5.000 KM u odnosu na dosadašnje 3.000, a sve kako bi se omogućilo da ratni vojni invalid od sredstava koje dobije od Vlade uistinu nabavi kvalitetna invalidska kolica.
2. Pravilnik o izmjenama i dopunama Pravilnika o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona
Ministarstvo je u koordinaciji sa savezima branilačkih organizacija Kantona predložilo, a Vlada Kantona je donijela jedinstveni pravilnik za sve institucije Tuzlanskog kantona, koji je sadržavao i kriterije za zapošljavanje po Zakonu o dopunskim pravima branilaca i članova njihovih porodica.
3. Prema Vladi Kantona upućena su i dva nova programska materijala, nakon čijeg donošenja se stvaraju preduslovi za početak rada na dva značajna Projekta, ukupne finansijske vrijednosti: 1.300.000,00 KM i to:
 - a. Program o rasporedu sredstava za obavljanje volonterskog staža branilaca i članova njihovih porodica (800.000,00 KM)
 - b. Program o rasporedu sredstava za dodjelu beskamatnih kreditnih sredstava za pomoć u rješavanju stambenih potreba branilaca i članova njihovih porodica (500.000,00 KM).

POLJOPRIVREDA VODOPRIVREDA I ŠUMARSTVO

1. Zakon o šumama
 - a. Obzirom da Federacija BiH nije godinama uredila ovu oblast Skupština Tuzlanskog kantona je, na sjednici održanoj 18.07.2012. godine, donijela Zakon o šumama,
2. Sanacija brane Modrac
 - a. Nastavljeni su radovi na III fazi sanacije brane Modrac, čiji zavšetak je planiran u drugoj polovini tekuće godine.
 - b. Federalno ministarstvo poljoprivrede, vodoprivrede i šumarstva, je odobrilo Regionalni projekat oporavka od poplava Bosne i Hercegovine i Srbije - IV fazu sanacije brane Modrac. Zajedno sa regulacionim radovima na rijeci Sapni, općina Sapna, rijeci Drinjači, općina Kladanj, rijekama Jala i Turija, općina Lukavac i rijeci Tinji, općina Srebrenik, ukupna vrijednost je oko 5,0 miliona EUR grant sredstava, čija je operativnost uslovljena potpisivanjem Okvirnog sporazuma za sredstva predpristupne pomoći IPA II, što se očekuje u narednih 3-6 mjeseci.

ZDRAVSTVO

1. Donesena Odluka o Pozitivnoj lista lijekova Tuzlanskog kantona, kojom je stavljena van snage prethodna Lista lijekova koja, a koja je na mjesečnom nivou donosila gubitak od milion maraka. Izmijenjen pristup u propisivanju inzulina i inhibitora protonske pumpe, kako bi građani mogli ostvariti svoja prava u matičnim domovima zdravlja.
2. Donesen Zaključak o nastavku projekta integrisanog informacionog sistema TK.
Donesena odluka da se centralni server postavi u Zavod zdravstvenog osiguranja TK i u toku su pripreme na njegovom smještaju. JZU UKC Tuzla, JZNU Dom zdravlja Tuzla i dom zdravlja Gračanica su ušli u jedinstveni informacioni sistem. U pregovorima sa BH Telecom Tuzla bit će omogućeno povezivanje JZU UKC Tuzla optičkim kablom sa ZZO TK. Sredinom mjeseca juna uspostaviti će se integrisani informacioni sistem TK te

će biti uvezani svi domovi zdravlja, JZU UKC Tuzla, Zavod zdravstvenog osiguranja TK i Zavod za javno zdravstvo TK.

3. Donesen Zaključak kojim je zatražen inspekcijski nadzor nad svim domovima zdravlja TK u cilju kontrole upošljavanja u periodu od 01.01.2011. do 31.12.2014. godine.
4. Utvrđen je prijedlog Odluke o preuzimanju osnivačkih prava nad Javnom zdravstvenom ustanovom Opća bolnica „Dr. Mustafa Beganović“ Gračanica kojom Skupština Tuzlanskog kantona preuzima osnivačka prava od Općine Gračanica u skladu sa Zakonom o zdravstvenoj zaštiti iz razloga što općine ne mogu biti osnivači bolnica.

FINANSIJE

1. Dio kreditnog zaduženja koji je planiran u Budžetu Tuzlanskog kantona za 2014. godinu u iznosu 20.000.000,00 KM a koji je realiziran u 2015.godini iskorišten je za finansiranje budžetskog deficita nastalog do 31.12.2013. godine.

PROSTORNO UREĐENJE I ZAŠTITA OKOLICE

1. Pripremljen Zakon o izmjeni Zakona o prostornom uređenju i građenju (usvojila ga Skupština Kantona).
2. Pripremljen i prihvaćen Nacrt Zakona o korištenju, upravljanju i održavanju zajedničkih dijelova i uređaja zgrade. Ovim dokumentom će se znatno kvalitetnije definisati način korištenja, upravljanja i održavanja zajedničkih dijelova i uređaja zgrade.
3. Provedena javna rasprava o Nacrtu Zakona o zaštiti od buke koji će, nakon usaglašavanja sa federalnim Ministarstvom okoliša i turizma, biti upućen u skupštinsku proceduru.
4. Pripremljen Kantonalni plan zaštite okoliša Tuzlanskog kantona 2015. - 2020. godine (usvojila ga Skupština Kantona).
5. Pripremljen Kantonalni plan upravljanja otpadom Tuzlanskog kantona 2015. - 2020. godine (usvojila ga Skupština Kantona).
6. Vođene aktivnosti na uspostavljanju međuopćinske deponije za općine Živinice, Banovići i Kladanj.

TRGOVINA, TURIZAM I SAOBRAĆAJ

Oblast trgovine i turizma

1. Utvrđen Nacrt zakona o turističkim zajednicama. Osnovna intencija novog Zakona, na području Tuzlanskog kantona, je uspostavljanje takvog načina organizovanja turističkih zajednica, koje bi bile stavljene u funkciju unapređivanja i podizanje ukupne kvalitete turističke ponude na znatno viši nivo, te promovisanje turističke ponude, kako na lokalnom tako i na kantonalnom nivou, a sve u cilju stvaranja uslova za brži razvoj turizma. Ovo podrazumijeva uspostavu sistema turističkih zajednica na lokalnom nivou uz kantonalnu turističku zajednicu koja će biti koordinator aktivnosti lokalnih turističkih zajednica uvažavajući potrebe kako lokalne zajednice tako i kantona u cjelini.
2. Doneseni pravilnici koji proizilaze iz Zakona o turističkoj djelatnosti:
 - a. Pravilnik o obliku, sadržaju i načinu vođenja registra izdatih licenci putničkim agencijama i izgledu i sadržaju licence,
 - b. Pravilnik o načinu i postupku ovjere knjige žalbi,
 - c. Pravilnik o načinu i postupku ovjere knjige gostiju i knjige popisa gostiju.

3. Započeto izdavanje licenci za organizaciju turističkih putovanja. Cilj je dizanje nivo sigurnosti korisnika usluga putničkih agencija, stvaranje povoljnijeg poslovnog ambijenta i omogućavanje ravnopravne tržišne utakmice za putničke agencije, smanjivanje "rada na crno" u ovoj privrednoj djelatnosti, te smanjivanje mogućnost razvoja "sive ekonomije" u turističkom sektoru.

Oblast saobraćaja

1. Nastavljene aktivnosti na sprovođenju usvojenog Plana mjera za poboljšanje rada Javnog preduzeća „Međunarodni aerodrom Tuzla” i projekta „Regionalni Cargo centar sa Airparkom”, jer je JP „MAT“ jedan od ključnih potencijala za razvoj saobraćaja i privrede Tuzlanskog kantona i cijele regije Sjeveroistočne BiH. Navedeni projekti u prijevozu putnika i tereta su razvojna šansa Tuzlanskog kantona, svih općina na kantonu i regiona u cjelini, te su realne procjene da se u periodu od 3 - 5 godina, kada bi aerodrom trebao postati samoodrživ, odnosno kada navedeni projekat zaživi u punom kapacitetu, da se može očekivati značajnije otvaranje većeg broja novih radnih mjesta.

INDUSTRIJA, ENERGETIKA I RUDARSTVO

Rješavana složena problematika koja je akumulirana u prethodnom periodu.

Industrija

1. Mnogobrojni sastanci sa upravama, nadzornim odborima i sindikatima privrednih društava koji su zahtijevali uključivanje Ministarstva za rješavanje njihovih mnogobrojnih problema izazvanih teškim finasijskim stanjem, a prije svega rješavanje materijalnog zbrinjavanja radnika kao i njihovog radno pravnog statusa.
2. Aktivnosti uvezivanja radnog staža zaposlenicima koji su ispunili uslove za penzionisanje u privrednim društvima nad kojima pravo upravljanja ima Vlada TK. Priprema se Programa i prikupljaju podaci od privrednih društava, te Kantonalne službe za PIO /MIO i Kantonalne Porezne uprave.
3. Obezbeđena zdravstvena zaštita za sva privredna društva iz resorne oblasti koja nisu u mogućnosti da iz svog tekućeg poslovanja uplatćuju doprinose za zdravstveno osiguranje.
4. Sačinjena „Analiza stanja u privrednim društvima iz resorne oblasti koja su u nadležnosti ovog Ministarstva sa prijedlogom mjera”.

Rudarstvo

1. Praćena realizacija zaključenih ugovora o koncesiji. U cilju povećanja naplate po osnovu koncesione naknade, pojedinim koncesionarima dostavljane su opomene zbog neplaćanja, dok su sa nekim predloženi ili potpisani reprogrami dugovanja.
2. Po osnovu koncesione naknade u ovom periodu naplaćeno je 1.117.000,00 KM (80% ovog iznosa pripada općinama gdje se vrši eksploatacija, a 20% Kantonu za finansiranje daljih istraživanja).

OBRAZOVANJE, NAUKA, KULTURA I SPORT

1. Utvrđen Prijedlog Zakona o obrazovanju odraslih. Očekuje se donošenje od strane Skupštine TK.
2. Akreditacija Univerzitetu u Tuzli. Komisija renomiranih domaćih i međunarodnih stručnjaka za ocjenu i reviziju kvaliteta rada visokoškolskih ustanova ispitala je rad i funkcioniranje Univerziteta po precizno utvrđenim kriterijima koje je ustanovila Agencija za razvoj kvalitete visokog obrazovanja BiH, a koji su u skladu sa standardima i kriterijima ocjene rada univerziteta država Evropske unije.

3. Pripremaju se novi Standardi i normativi visokog obrazovanja. Cilj je ujednačavanje propisa iz oblasti visokog obrazovanja na području Bosne i Hercegovine kako ne bi dolazilo do prevelikih odstupanja. Očekujemo da će primjenom novih Standarda i normativa visokog obrazovanja doći i do povećanja kvaliteta na visokoškolskim ustanovama u Tuzlanskom kantonu. Kao polazna osnova u izradi ovog dokumenta korišteni su Standardi Sarajevskog kantona, Zeničko-Dobojskog kantona, Unsko-Sanskog kantona, Standardi predloženi od strane Federalnog ministarstva obrazovanja i nauke, kao i Standardi Republike Srbije.

RAZVOJ I PODUZETNIŠTVO

1. Nastavljene aktivnosti na izradi integrirane Strategije razvoja Tuzlanskog kantona za period 2016. – 2020. godina i planskog usmjeravanja razvoja Kantona.
2. Organizovana 4 od ukupno 5 planiranih seminara od strane predavača i stručnjaka o postupcima i načinu uvođenja različitih tipova certifikata po međunarodnim standardima te ojačani upravljački kapaciteti 60 učesnika iz 30 subjekata male privrede,
3. Upućena inicijativa Upravi za indirektno-neizravno oporezivanje BiH za ukidanje akta da se omogući obrtnicima da u okviru zakonom dozvoljene djelatnosti, obavljaju vanjskotrgovinsko poslovanje za svoje potrebe.

PRAVOSUĐE I UPRAVA

1. Utvrđen Prijedlog Zakona o izmjenama i dopunama Zakona o izvršenju sankcija
Početkom februara počela je primjena novog federalnog Zakona o zaštiti i postupanju sa djecom i maloljetnicima u krivičnom postupku. Sudovi maloljetnim počiniocima krivičnog djela mogu umjesto ranije odgojne mjere upućivanja u disciplinski centar za maloljetnike izricati mjeru upućivanja u odgojni centar. Kako izvršenje odgojne i drugih mjera spada u regulativu kantonalnog zakonodavstva, jer se provodi u odgojnom centru koji kao ustanovu osniva kanton, preduzete su aktivnosti na pripremi odgovarajućih izmjena zakona o izvršenju sankcija.
2. Prijedlog Zakona o izmjenama i dopunama Zakona o osnivanju Javne ustanove Disciplinski centar za maloljetnike Tuzlanskog kantona.
Odredbama navedenog Zakona o zaštiti i postupanju sa djecom i maloljetnicima u krivičnom postupku propisano je izricanje odgojne mjere upućivanja maloljetnika u odgojni, a ne u disciplinski centar, s tim što je ta mjera vremenski drugačije određena i predviđena u značajno dužem trajanju, jer je maksimalni neprekidni boravak produžen sa ranijih 20 dana na tri mjeseca, uz istovremeno propisivanje minimalnog trajanja od 15 dana. S tim u vezi trebalo je izmijeniti Zakon o osnivanju JU Disciplinski centar za maloljetnike i prilagoditi ga novonastaloj situaciji potrebama.
3. Priprema se Prijedlog Zakona o službenicima i namještenicima u organima uprave u Tuzlanskom kantonu
Presudom Ustavnog suda Federacije Bosne i Hercegovine prestala je primjena Zakona o državnoj službi u Federaciji Bosne i Hercegovine, jer je isti ocijenjen neustavnim u dijelu koji se odnosi na kantone i jedinice lokalne samouprave.
Zakon je pripremljen u radnoj verziji i, nakon opredjeljivanja konačnog stava o određenim ključnim pitanjima koje sadrži taj tekst, biće pripremljen nacrt zakona, koji zatim može ići u dalju redovnu zakonodavnu proceduru.

4. Upućena Inicijativa za izmjene i dopune Zakona o stečajnom postupku
Zbog konstantnog izražavanja nezadovoljstva radnika firmi u stečaju, zbog neopravdano i nedopustivo dugotrajnog stečajnog postupka, kao i sasvim osnovanog strahovanja radnika firmi pred stečajem da se mogu naći u istoj situaciji, a imajući u vidu da je ta oblast regulisana federalnim Zakonom o stečajnom postupku, analizirane su odredbe tog zakona koje su najviše uzrokovale sadašnje stanje, te je pripremljena odgovarajuća Inicijativa za izmjene važećeg zakona.
Inicijativom su data četiri prijedloga:
- vremensko ograničenje i skraćivanja roka za okončanje stečajnih postupaka,
 - uvođenje određenih ograničenja za imenovanje stečajnih upravnika,
 - pooštavanje odgovornosti stečajnog upravnika koja bi u određenom slučaju imala za posljedicu brisanje sa liste stečajnih upravnika i
 - izmjene reda prioriteta povjerilaca odnosno potraživanja kojom bi bilo omogućeno da se zaposlenici stečajnog dužnika prvi namiruju sa potraživanjima iz radnog odnosa.
5. Odluka o prijemu volontera
U pravosudnim institucijama na području TK odobren je prijem ukupno 66 volontera iz reda diplomiranih pravnika i ekonomista, kojima je na taj način omogućeno osposobljavanje za samostalan rad na poslovima svoje struke u određenom trajanju od dvije odnosno jedne godine, čime stiču potrebno radno iskustvo za polaganje pravosudnog odnosno stručnog ispita.

RAD, SOCIJALNA POLITIKA I POVRATAK

1. Urađen Nacrt Zakona o izmjenama i dopunama Zakona o socijalnoj , zaštiti, zštiti civilnih žrtava rata i zaštiti porodice sa djecom
2. U završnoj fazi izrada Programa mjera za socijalno zbrinjavanje zaposlenika koji su u procesu stečaja, likvidacije, restrukturiranje i privatizacije preduzeća, ostali ili ostaju bez posla.
3. U toku su završni radovi na opremanju Dnevnog centra za djecu iz porodica pod rizikom od razdvajanja i materinskog doma za samohrane majke sa djecom slabom imovnog stanja.
4. U završnoj fazi je izgradnja Anexa Centra za autizam, tj.dogradnja novog dijela uz postojeći objekat, koji će biti rekonstruisan za iste namjene. Centar će obezbjediti adekvatne uvjete za stručni rad sa djecom – osobama sa autizmom i predstavljat će referentni centar za područje FBiH i šire i kao takav je prvi u regiji.
5. Završena kontrola utroška finansijskih sredstava koja su odobrena povratnicima, raseljenim licima i izbjeglicama po zaključenim ugovorima na osnovu Javnog poziva za prikupljanje prijave za dodjelu donacija u 2012. i 2013. godini. Komisija je završila kontrolu utroška dodjeljenih sredstava na području Tuzlanskog kantona i 13 općina Republike Srpske. Kontrolisano je 174 korisnika sredstava za podršku održivom povratku i izgradnju i sanaciju stambenih jedinica za koje su pojedinačno sačinjene službene zabilješke, fotografije objekata, uređaja, stoke itd. Dalja aktivnost je analiza utvrđenog stanja na terenu, te izrada Informacije o efektima ulaganja za navedene dvije godine, kao i pokretanje zakonskih postupaka za eventualne zloupotrebe pomenutih donacija.
6. Pripremljeni su dokumenti i pokrenuta procedura za donošenje:
 - Odluke o utvrđivanju programa, uslova, kriterija i postupaka za raspodjelu sredstava za Podršku povratku prognanih lica i
 - Odluke o utvrđivanju programa, uslova, kriterija i postupaka za raspodjelu sredstavaza Materijalno zbrinjavanje socijalno ugroženih.